

SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂ i₂tián'₅ tsi₁rě₂jan₅₄ uíng₂

1 ¹ Jniá₂ Pe₄, líng₅ dsa₂ i₂chen₄ quián₅ Jesucristo jmo₂₃ si₂ la₂ tsíng₂ ne₄ ca₂le₃jín₃ dsa₂ i₂tsi₁rě₂jan₅₄ i₂ma₂lín₅ co₂'nió'₄ dsi₂nau₂ i₂tián'₅ uíng₂, le₂tan₅₄ 'uě₃ Ponto, quian'₅₄ Galacia, Capadocia, Asia, Bitinia nế₃, ² ne₄ ca₂le₃jín₃ dsa₂ i₂ma₂quion'₅₄ quián₅ Diú₄ Jmei₂ jniog₄ lia'₂ con'₂ lế₅ ma₂i₃jio₅ dsí₅ ca₂le₂jniá₅. Ca₂quíó'₂ Diú₄ tề₂le₃ quian'₅₄ ta₁ quió'₅ Jme₂dsí₂ quián₅ ia₁jaun₂ ma₂lế₅ 'í₁ 'nia'₂, ia₁jaun₂ le₃chang'₂ jme₁ti'₄ ne₅₄, chan'₂ 'nia'₂ qui₂le₁jế₃ jme₂dsí₂ quiáng'₂ nế₃, rě₂jnióg'₄ le₁séng'₅ jmi₂ 'an₅₄ Jesucristo. Jaun₂ juá'₅ jniá₂, jui₁chan'₂ bá₄ 'nia'₂ dse₃ ne₄ ca₂le₃jế₃ ne₅₄ a₂dse₃ jme₂gu'₅₄ Diú₄, 'ei₅ tei₄ ja₁con'₂ 'nia'₂ ca₂le₃jíng'₃.

'A₂ lia'₂ chan₂ dsa₂ caun₂ bá₄ a₂le₁'ág₄ dsí₅
a₂ma₂rě₂'én₄ dsáu₁, tীন'₄ guei'₅₄ i₂juíg₃

³ Jui₁le₂juin'₂ bá₄ Diú₄ Jmei₂ Te₁gui'₅₄ Jesucristo quián₂, ia₁ ca₂dsia₃ nế₂ dsí₅ 'nio₅ lín₃ jniog₄, ca₂cuě₃ jme₂dsí₂ 'mí₂, ma₂jmo₃ bá₄ a₂ma₂ca₂rě₃chóng₃ táng₃ jniog₄ tề₂le₃ quian'₅₄ jui₅bí₂ a₂ca₂jen'₅₄ táng₃ Jesucristo jin₄ 'lag₄. 'Uig₅₄ nế₅ bá₄ a₂chong₂ jniog₄ caun₂ bá₄ qui₂le₁'ág₄ dsi₅ a₂dsi₁no₃ tág'₄ guei'₅₄ i₂juíg₃. ⁴ Ton'₂ jmo₃ a₂guéi'₁ 'nia'₂ a₂ma₂lế₅ jág₁ a₂ting'₅₄ cuě₃ Diú₄, a₂lế₅ caun₂ a₂tsá₃ ton₅ jmi₄g₄ dsi₃'én₂, on₃ guě'₂ lế₂ le₃'lig'₅₄, on₃ guě'₂ ton₅ jmi₄g₄ le₃juíng₅ nế₃. Ca₂le₃jế₃ a₂nế₅ ma₂lế₅ co₂jia₅₄ rě₂'ma₄ guei'₅₄ i₂juíg₃ quián'₂ 'nia'₂. ⁵ Tề₂le₃ ia₁ a₂'én'₂ 'nia'₂ ma₂jmo₂₃ 'í₁ quian'₅₄ jui₅bí₂ quió'₅ a₂dsi₁no₃ 'nia'₂ títng'₄ a₂le₃jniá₂ jmi₄g₄ jě₁ca₂tó'₂ i₁lión'₂ 'nia'₂.

⁶ 'Uig₅₄ nế₅ bá₄ nế₃ jui₁chan'₂ 'nia'₂ qui₂le₁'ág₄ dse₃ 'au'₂, 'io'₂ jéng'₂, tsá₃ a₂léi₂ jui₁la₂ 'lóng₂ táu₂ a₂qui₂dsi₃ní'₂ 'nia'₂ co₂'na₂. ⁷ Ia₁ lia'₂ lế₅ cu₄nióg₄ bá₄ lế₅ 'én'₂ 'nia'₂: jaun₂ tion₅₄ 'nió'₅ cáu₃, ηag₅ si₂, jióg'₂ 'í₁ le₃léi₄ chi₂jua'₂ tề₃dsón'₂ bá₄ dse₃. Jui₁lia'₂ jau'₂ 'í₁ cu₄nióg₄ tề₂le₃ quian'₅₄ si₂, ján₃ bá₄ le₂nế₅ jióg'₂ 'í₁ a₂'én'₂ 'nia'₂ tề₂le₃ quian'₅₄ uig₅ a₂niog₅ qui₂dsi₂níng'₂. Ia₁ a₂'én'₂ 'nia'₂ nế₅, quen₅ gué₄ 'nio₅ lín₃ lia'₂ con'₂ gué₄ cu₄nióg₄, ia₁ cu₄nióg₄ nế₃, a₂dsi₂'én₂ bá₄ jaun₂. Jaun₂ nế₃ jě₁ma₂ca₂o₃'ág₃ jág₁ a₂'én'₂ 'nia'₂ tề₃dsón'₂, jaun₂ gué₄ 'ag₃ Diú₄, 'én'₂ bá₄ 'nia'₂ dse₃ lín₃, ton'₂ qui₂jme₃go₃ bá₄ dsa₂, jaun₂ guéin'₂ bá₄ 'nia'₂ guei'₅₄ i₂juíg₃ jě₁ma₂ca₂rě₃jniá₂ Jesucristo.

⁸ 'Nió'₃ bá₄ 'nia'₂ Cristo jui₁la₂ tsá₃ ma₂ca₂tế₂ ne'₅₄ 'nia'₂. Caun₂ bá₄ qui₂le₁'ág₄ 'au'₂ 'nia'₂ le₃quíó'₅ 'éi₂, jnia'₅₄ la₂ tsá₃ ma₂ca₂jii'₅₄ 'nia'₂ dsón'₂ dsi₁ne₁ la₁ 'nio₅ lín₃ bá₄ 'io'₂ jén'₂ 'nia'₂ ca₂lia'₂ tsá₃ ne₄ 'a₂ lia'₂ le₃jua'₅₄, ⁹ ia₁ le₂nế₅ bá₄ ma₂lín'₂ 'nia'₂ jui₅ ja₁ma₂lón₂ jme₂dsí₂ quiáng'₂; ia₁ ja₁jaun₂ dsi₁no₃ dsón'₂ bá₄ 'nia'₂ lia'₂ con'₂ lế₅ 'éng'₂.

¹⁰ Jui₁lia'₂ jág₁ a₂lió₂ Diú₄ në₅, lia'₂ con'₂ lé₅ jme₁'é₂ dsa₂ quián₅ Diú₄ jág₁ ma₂líg'₂, ca₂juá'₂ të₃jñiá₅ 'a₂ lia'₂ jmo₃ 'ua₁ dsí₅ jme₃goin'₅₄ 'nia'₂, jaun₂ dsa₂ 'éi₂ në₃ ca₂'náu'₃ jág₁ dsau₅ ca₂cáun₃ 'í₁ rē₂ lín₃, ¹¹ 'ein₂ dsón'₂ 'éi₂, o₃ 'e₂ 'iío'₄ a₂ñág₃ uig₅, a₂le₃juiin'₂ táng₃ cang₂ jaun₂. Ca₂jmo₃ bá₄ dsa₂ 'éi₂ në₃ lia'₂ con'₂ lé₅ ca₂'ē₃ Jme₂dsí₂ quián₅ Cristo jui₅ të₂dsí₅.

¹² Ca₂jme₃jñia₅ Diú₄ jág₁ a₂qui₂ca₂ñí'₂ dsí₅ dsa₂ 'éi₂, la₁ on₃jua'₅₄ a₂dse₃ ja₁coin₂ guioin₅₄, a₂dse₃ të₂le₃ ja₁con'₂ 'nia'₂ bá₄ a₂ca₂jme₃ti₃ 'éi₂ lia'₂ con'₂ jme₁ca₂'é₂ jág₁, co₂rē₂ bá₄ lia'₂ con'₂ lé₅ jág₁ a₂ma₂ca₂rē₃'é₂ ja₁con'₂ 'nia'₂ të₂le₃ quian'₅₄ Jme₂dsí₂ Jñiío₅ i₂chen₄ já₅ guei'₅₄ i₂juíg₃. Ca₂le₂jio₅ ángeles në₃, jme₁'ín₅ dsí₅ të₃ ne₅₄ ca₂le₃jé₃ a₂nē₅.

Diú₄ ma₂ca₂tē₃ jniog₄ a₂le₃chong₂ le₁jé₃ jme₂dsí₂ quián₂

¹³ Jaun₂, rē₂ján'₁ 'nia'₂ jmo₄, a₂le₃ñí'₂ dsei'₂ a₂le₃'en₅₄ 'au'₂ 'nia'₂. Caun₂ bá₄ le₁'ág₄ 'au'₂ 'nia'₂ jmo₄ a₂le₁jan'₄ a₂jme₃gu'₅₄ Diú₄ jmi₄ jē₁ma₂tē₂ rē₁jme₃jñia₅ Jesucristo. ¹⁴ La₁ jui₁len'₅₄ 'nia'₂ chi'₂-guein₂ dsen₃ quián₅ Diú₄ i₂qui₂rē₂ti'₅₄. Tsá₃ ma₃tián'₂ 'nia'₂ jua'₅₄ a₂qui₂dsi₂jñia₅ gué₄ 'lig'₅₄ 'au'₂, lia'₂ jme₁lín'₄ le₂jñiá₅ lia'₂ con'₂ tsá₃ 'e₂ jme₁ma₂ñi'₅₄ 'nia'₂ le₃quiío'₅ Diú₄. ¹⁵ Tē₂le₃ jui₁le₂chan'₂ bá₄ 'nia'₂ qui₂le₁jé₃ të₂'au'₂ qui₂rē₂jñiío₄ co₂ñei'₅₄ jme₂dsí₂ quiáng'₂ quian'₅₄ ca₂le₃jé₃ gué₄ a₂jmo'₂ 'nia'₂. Ia₁ i₂jñiío₅ lín₃ bá₄ Diú₄ i₂ma₂ca₂tē₃ 'nia'₂. ¹⁶ Ia₁ juá'₂ ne₄ Si₂: “Jui₁le₂jñiío'₄ bá₄ 'nia'₂, ia₁ i₂jñiío₅ bá₄ jñiá₂ 'ñiío₃.”^a

¹⁷ Chi₂jua'₂ të₂ 'nia'₂ “Tia₅₄” i₂qui₂con₂ 'í₁ quiío'₅ le₂jan₂ le₂jan₂ dsa₂ lia'₂ con'₂ lé₅ ma₂jmo₃, la₁ tsá₃ jma₃quén₅ jín₂ ca₂le₃jín₃, jaun₂ ca₂tín'₂ 'nia'₂ jme₁gain'₃ ca₂le₃jé₃ jmi₄ të₁lia'₂ chan'₂ 'nia'₂ lín'₅ në₂jag₄ bá₄ dsi₂nau₂ ne₄ gua'₅₄ 'uē₃ la₂. ¹⁸ Ia₁ ma₂ñi'₅₄ bá₄ 'nia'₂, on₃jua'₅₄ a₂ca₂quiin₃ quian'₅₄ cosa a₂tsá₃ uē₂ jio₅, quian'₅₄ jui₁lia'₂ cu₄nióg₄ cu₄tio₂ a₂ca₂lióin₂ 'nia'₂ ne₄ jui₅ a₂tsá₃ ta₁ tí₄ a₂jme₁le₁quian'₄ 'nia'₂, a₂ca₂rē₂tíng'₃ ca₂ñág₃ dsa₂ can'₅₄ quiáng'₂. ¹⁹ Ca₂quín'₂ 'nia'₂ të₂le₃ quian'₅₄ jmi₂ 'an₅₄ Cristo a₂quen₅ gué₄ lín₃, a₂ca₂ñó₃ qui₂rē₂jein'₅₄ ne₄ Diú₄ në₂jag₄ bá₄ já'₂ cha'₂ i₂tsá₃ 'e₂ 'lig'₅₄ lín₅ 'i₁caun₂. ²⁰ Ia₁ lia'₂ con'₂ né'₃ a₂nió₃ mi₂güíg₃, jme₁ma₂rē₂'ín₁ bá₄ a₂lióin₂ dsa₂ mi₂güíg₃. Ia₁ ma₂ca₂rē₃jñiái₂ jmi₄ jē₁ca₂tó'₂ rē₂nē₃, a₂dse₃ o₄quián'₂ 'nia'₂. ²¹ Ia₁ të₂le₃ quian'₅₄ 'éi₂ bá₄ 'én'₂ 'nia'₂ le₃quiío'₅ Diú₄ i₂ca₂jme₃jen'₅₄ Cristo ja₁jme₁rē₂'liin₅₄, jaun₂ ca₂jme₃jláu'₁ në₃. 'Uig₅₄ jaun₂, jui₁le₁'ág₄ 'au'₂ 'nia'₂ 'éng'₂ të₂le₃ quiío'₅ Diú₄.

²² Në₃ në₃ ma₂le₁jín'₃ bá₄ 'nia'₂ ia₁ ma₂jme₂tí'₁ 'nia'₂ jág₁ tí₅, ia₁ të₃dsón'₂ bá₄ ma₂'nió'₃ 'nia'₂ ríng'₂, jme₁'nió₄ 'nia'₂ ríng'₂ le₂jang'₂ le₂jang'₂ jaun₂ në₃ ca₂le₃jé₃ 'au'₂.^b ²³ Ia₁ ma₂ca₂rē₃chán'₃ 'nia'₂ táng₃, la₁ on₃jua'₅₄ lia'₂ lé₅ rē₃chan₂ jaun₅ dsa₂ i₂dsan₂. A₂ca₂lín'₃ jaun₅ Diú₄ bá₄

^a16 Levítico 11:14,45; 19:2; 20:7.

^b22 A₂lín₅₄ chog₅₄ si₂: “a₂le₁jé₃ 'au'₂.”

i₂tsá₃ líg'₂ jmig₄ dsián₃. Ca₂rē₃cháng'₃ tē₂le₃ quian'₅₄ jág₁ jén'₃ quió'₅
 Diú₄ bá₄ a₂jio₅ co₂tan₅₄.²⁴ Ia₁ ne₄ Si₂ juá'₂:

Ca₂le₃jín₃ dsa₂ mi₂güí₃
 lín₅ jui₁lia'₂ lé₅ ni₁nau₂,
 ca₂le₃jē₃ 'a₂ lia'₂ jláin'₁
 lé₅ lia'₂ lé₅ lí₁ jlá'₁ quió'₅ ni₁nau₂.

Jē₁ma₂ca₂rē₃quén₃ ni₁nau₂,
 ca₂tá'₂ bá₄ lí₁ ján₃.

²⁵ La₁ jág₁ quió'₅ Te₁gui'₅₄ jio₅ co₂tan₅₄ bá₄.^c

Jaun₂ jág₁ dse₃ a₂lión₂ dsa₂ nē₅ ma₂ca₂rē₃'ē₂ jin'₄ 'nia'₂.

2 ¹ Jaun₂ nē₃, co₂dsia₅ tí₃ 'nia'₂ ca₂le₃jē₃ ne₅₄ a₂'lig'₅₄, quian'₅₄ 'a₂
 lia'₂ lé₅ jme₁chan'₂ 'nia'₂ jmo'₂ o₁ne'₄, o₁gang'₂, jme₁chan'₂ 'nia'₂
 jmo'₂ uig₅ 'au'₂, ca₂le₃jē₃ gué₄ a₂lē₁chi₂dsia'₂ 'nia'₂ 'íng'₅ ríng'₂. ² Jmo₄
 'nia'₂ nē₂jag₄ bá₄ guein₂ pí'₁ i₂'ín₅ dsí₅ 'ín'₂ dsi'₅₄ jmá'₅ a₂gu₂dsí₂, jaun₂
 tē₂le₃ quian'₅₄ a₂jaun₂ qui₂dsi₃can'₅₄ 'nia'₂ ca₂lia'₂ ca₂'ñia₅ i₁lión'₂ 'nia'₂,
³ chi₂jua'₂ tē₃dsón'₂ bá₄ ma₂ca₂rē₃len'₄ 'nia'₂ jmá'₂ a₂dse₃ dsí₅ Te₁gui'₅₄.^d

Cristo bá₄ i₂lín₅ ni₁ 'lau₂ jén'₃

⁴ Jme₁quián₄ 'nia'₂ ja₁con₂ Te₁gui'₅₄ i₂lín₅ ni₁cang₁ jén'₃. Dsa₂ mi₂güí₃
 nē₃ tsá₃ ca₂rē₃jei₅₄, la₁ tē₂le₃ quió'₅ Diú₄ nē₃ lé₅ ni₁cang₁ rē₂quio'₅₄ a₂jlá'₁
 a₂quen₅ gué₄ lín₃. ⁵ Le₂nē₅ bá₄ 'nia'₂ ján₃, jmo₄ 'nia'₂ 'au'₂ a₂lín₅
 co₂'nió'₄ ni₁cang₁ jén'₃ a₂jmó'₂ Diú₄ ta₁ a₂jui₂₃ jmóg'₅ caun₂ 'né₅
 a₂gu₂dsí₂, ia₁jaun₂ dsi₁nó'₅ 'nia'₂ léng'₂ co₂'nió'₄ jme₂dsa₂ i₂lé₅ 'í₁ quiáin₅
 i₂qui₂jén'₅ 'e₂ qui₂jén'₅ ne₄ Diú₄ a₂gu₂dsí₂ a₂lé₅ a₂'ñio₂ dsí₅ 'éi₂ gue₂₃
 tē₂le₃ quian'₅₄ Jesucristo. ⁶ Ia₁ ne₄ Si₂ juá'₂ ján₃:

la₂ dsián₄ jniá₂ ciudad Sión i₂lín₅ ni₁cang₁
 quió'₅ qui'₅₄ 'uig₅₄ 'ia'₂.

Ca₂le₃jín₃ i₂'én₂ le₃quió'₅,
 o₁líg'₂ tsá₃ 'ag₃ caun₂-tín₃ dsí₅.^e

⁷ Tē₂le₃ quián'₂ 'nia'₂ i₂'éng'₂, ni₁ 'lau₂ jaun₂ lé₅ a₂quen₅ 'ñio₅ lín₃. La₁
 tē₂le₃ quió'₅ i₂tsá₃ 'én₂ nē₃, rē₂ti₃ jui₁lia'₂ juá'₂ ne₄ Si₂:

Ni₁cang₁ a₂tsá₃ ca₂rē₃ji'₅₄ dsa₂ i₂jme₁jmóg'₅ 'né₅,
 ca₂lē₃ ni₁cang₁ a₂dsen₅₄ gué₄ quió'₅ qui'₅₄ 'ia'₂.^f

⁸ Rē₂ti₃ ján₃ ja₁juá'₂ ne₄ Si₂:

ni₁cang₁ a₂qui₂nió₅ dsa₂,
 ni₁ 'lau₂ a₂jmo₅ a₂dsi₂gan'₅₄ dsa₂.^g

^c25 Isaías 40:6-8.

^d3 Salmo 34:8.

^e6 Isaías 28:16.

^f7 Salmo 118:22.

^g8 Isaías 8:14.

'Uig₅₄ ia₁ a₂tsá₃ 'nio₃ jme₃ti₃ jág₁ dse₃, qui₂nió₅ jui₁lia'₂ ma₂'i₄ 'éi'₃ dsi₃ŋí₂.

Dsa₂ i₂tén₅ le₃quió'₅ Diú₄

⁹ Ma₂lín'₅ bá₄ 'nia'₂ né₃, jon₂ dsa₂ i₂rē₂quion'₅₄ quián₅ Diú₄. Lín'₅ co₂nió'₃ jme₂dsa₂ i₂jme₂ti₃ ta₁ ne₄ Rag₅₄, caun₂ juig₂ ŋi₂ó₅, dsa₂ juig₂ quián₅ Diú₄ 'ŋiog₅. Ca₂le₃jé₃ a₂nē₅ lín'₅ 'nia'₂, ia₁jaun₂ qui₂jme₁jnia'₅ 'nia'₂, ca₂le₃jé₃ a₂jlá'₁ a₂ma₂jmo₃ Diú₄. Ia₁ 'éi'₂ bá₄ ma₂ca₂'uín'₂ 'nia'₂ jē₄ qui₁né'₃, ca₂tág₃ tē₂le₃ ja₁jniá₂ si₂jlá'₁ quió'₅. ¹⁰ Le₂jniá₅ né₃, tsá₃ dsa₂ juig₂ jme₁lín'₄ 'nia'₂; la₁ rē₂nē₃ né₃ ma₂ca₂dsi₃nó'₅ 'nia'₂ ma₂lín'₅ dsa₂ juig₂ quián₅ Diú₄. Ca₂le₂jniá₅, 'i₁jan₂ tsá₃ 'ein₂ jme₁ŋéi'₂ dsí₅ 'nia'₂; la₁ rē₂nē₃, Diú₄ ma₂ca₂tá'₂ ŋéi'₂ dsí₅.

Tián'₂ 'nia'₂ a₂jme₁ti'₄ ne₄ Diú₄

¹¹ 'Nia'₂ rin'₅₄ jniog₄ i₂'nió₃, 'nia'₂ i₂tiáng'₅ uín'₂ i₂ma₂lín'₅ nē₂jag₄ bá₄ dsi₂nau₂, chi₂len'₄ jniá₂ 'nia'₂ co₂dsia₅ tí₃ 'nia'₂ ca₂le₃jé₃ a₂'lig'₅₄ a₂'ín₅ dsí₅ ni₁ŋi'₁ a₂jmo₅ 'nei₂ ja₁con₂ jme₂dsí₂ quián'₂ 'nia'₂. ¹² I₂nio₄ bá₄ 'nia'₂ con'₂ dsi₂ten₅₄ jin₄ dsi₂nau₂ juig₂ ja₁tiáng'₄, ia₁jaun₂ jui₁la₂ 'ag₂₃ 'iin₂₃ 'nia'₂ 'lig'₅₄ a₂jág₂ jín₂ 'nia'₂ nē₂jag₄ bá₄ dsa₂ i₂le₁cán'₄ dso₄, la₁ jē₁ma₂ca₂tē₂ ne₅₄ a₂dse₃ jmo'₂ 'nia'₂, jme₃juin'₂ bá₄ Diú₄ jē₁ma₂tē₂ rē₁tē₃dsi₅₄ 'éi'₃.

¹³ Ia₁ a₂gan'₃ 'nia'₂ Te₁gui'₅₄, tión'₂ 'nia'₂ ca₂le₃jé₃ 'éi'₃ qui'₅ jui₁'ein₂ gué₃ dsi₂tan₅₄ i₂dsián₁ quián₅ dsa₂ ne₄ gua'₅₄ 'uē₃ la₂; tión'₂ 'nia'₂ 'éi'₃ qui'₅ jui₁lia'₂ gui'₅₄ dsi₂tan₅₄ emperador ¹⁴ lia'₂ 'éi'₃ quió'₅ i₂lín₅ dsi₄má'₂ i₂dsián₁ quián₅, a₂cué'₃ uig₅ dsa₂ i₂jmo₅ 'lig'₅₄, la₁ dse₃ 'iin₃ dsa₂ i₂jmo₅ a₂dse₃. ¹⁵ Ia₁ a₂nē₅ bá₄ a₂'nio₃ Diú₄: a₂jmo'₂ 'nia'₂ ca₂ne₅₄ a₂dse₃, ia₁jaun₂ dsi₃lén₂ tei₄ dsa₂ co₄ i₂'in₅ 'lig'₅₄ 'nia'₂ ia₁ a₂tsá₃ ŋi₅.

¹⁶ I₂nio₄ bá₄ 'nia'₂ jaun₂, lia'₂ jē₁i₂nio₄ dsa₂ i₂ma₂ca₂lón₂ i₂ma₂ca₂niá₃ jui₅ quió'₅, la₁ tsá₃ o₁leng'₅₄ jua'₅₄ a₂ma₂rē₂na₄ jui₅ ia₁jaun₂ 'náu'₁ dso₄. Jui₁le₂chan'₂ 'nia'₂ a₂lín'₅ dsa₂ i₂jme₂ti₃ ta₁ ne₄ Diú₄. ¹⁷ Jme₁gan₃ 'nia'₂ ca₂le₃jín₃ dsa₂; jme₁'nió₄ 'nia'₂ rín'₂ né₃. Jme₁gan₃ 'nia'₂ Diú₄, ton'₂ jme₁gan₃ 'nia'₂ dsi₂tan₅₄ dsa₂ juin'₂.^h

Caun₂ jág₁ dsau₅ 'a₂ lia'₂ lé₅ jmi₁uig₅ a₂ca₂i₃ŋí₂ Cristo

¹⁸ 'Nia'₂ gué'₂ dsa₂ i₂jme₂ti₃ ta₁ ne₄ dsa₂, tión'₂ 'nia'₂ 'ei₅ gau₂ ca₂le₃jé₃ 'e₂ te₂néi'₂ juig'₂ 'nia'₂. Ca₂tín'₂ 'nia'₂ jme₁ti'₄, on₃jua'₅₄ jmá'₃ ne₄ dsa₂ dsen₃ i₂juin'₂ dsí₅; ca₂tín'₂ bá₄ 'nia'₂ jme₁ti'₄ le₂jio₅ ne₄ dsa₂ i₂tsau₂ dsí₅ né₃. ¹⁹ Ia₁ ja₂lín₃ gué'₄ dse₃ tē₂tsin'₅₄ dsa₂ ne₄ Diú₄ jme₁jmo₂₃ tió'₃ dsí₅ ŋág₅ uig₅ on₃jua'₅₄ a₂cha₂ riin₂, ne₄ ia₁ a₂lí'₄ dsí₅ a₂'ŋio₂ dsí₅ Diú₄ bá₄. ²⁰ Ia₁ nē₁jua'₂ jmo'₂ 'nia'₂ tió'₃ 'au'₂ jme₁qui₂dsi₂bang'₅₄ ne₄ 'uig₅₄ dsáu'₂ 'nia'₂ guiong'₅₄, é₂ a₂dse₃ a₂lé₂ le₃guéi'₁ 'nia'₂ nē₁jua'₂ le₂jaun₂? La₁

^h17 lit. "jme₁gan₃ 'nia'₂ rag₅₄."

ně₁jua'₂ ŋag'₅₄ 'nia'₂ uig'₅ ne₄ 'uig'₅₄ a₂dse₃ a₂jmo'₂, ton'₂ jmo'₂ 'nia'₂ tió'₃
 'au'₂, ia₁ le₂ně₅ bá₄ dsióg₄ tē₃tsin'₅₄ 'nia'₂ dse₃ ne₄ Diú₄.²¹ Ia₁ ta₁ jaun₂
 ma₂ca₂rē₃tē₄ 'nia'₂, ia₁ ján₃ bá₄ ca₂ŋág₃ Cristo uig'₅ o₄quián'₂ 'nia'₂,
 a₂ca₂quiog₂ caun₂ jui₅ ia₁jaun₂ le₂ně₅ i₁nio'₄ 'nia'₂ jui₁lia'₂ ca₂ŋi₃ 'ŋiog₅.
²² 'I₁caun₂ dso₄ tsá₃ 'e₂ ca₂'náu₂,
 on₃ guē'₂ 'i₁ca₂míg₂ jág₁ a₂jui₁gain₂ ca₂o₃'ág₃ mi₂'o₅₄,ⁱ
²³ jme₁qui₂ca₂jnáu'₂ dsa₂ jág₁ uig'₅, tsá₃ le₂jaun₂ ca₂jéin₃ jág₁ jua'₅₄
 a₂ca₂quian₃ dsa₂ jué'₅. Tē₂le₃ caun₂ bá₄ ca₂'ág₂ dsí₅ ca₂dsian₃ o₄gú₃
 i₂qui₃dsi₅ 'éi'₃ lia'₂ tí₅.²⁴ Le₂ně₅ bá₄ ca₂caun₃ Cristo jui₅ ni₁ŋi₁₂ 'ŋiog₅
 dsáu₁ jniog₄ jme₁ca₂ŋó₃ ne₄ cróg₄ ia₁jaun₂ dsióg₃ jniog₄ ne₄ dso₄,
 a₂le₃chong₂ táng₃, quián₁ caun₂ jui₅ co₂dsau₅; ne₄ a₂qui₂ca₂cuín'₂ Cristo
 ca₂'lón'₂ bá₄ 'nia'₂.²⁵ Ia₁ le₂ŋiá₅ jme₁i₂nio'₄ 'nia'₂ lia'₂ ja₁i₂nio₄ já'₂ cha'₂
 i₂ma₂i₂cón'₅,^j la₁ rē₂ně₃ ma₂ca₂jén'₃ bá₄ táng₃ 'nia'₂ le₃quió'₅ Cristo. 'Éi₂
 bá₄ i₂jio₅, niog₅ gu₂, jmo₅ 'í₁^k jme₂dsí₂ quián'₂ 'nia'₂.

'A₂ lia'₂ dsi₂ten₅₄ le₃chan₂ dsa₂ i₂le₁jen'₂ gu₂

3 ¹ Le₂ně₅ bá₄ ján₃, 'nia'₂ dsa₂ mí₂ i₂le₁jen'₂ gu₂, tión'₂ 'nia'₂ 'éi'₃
 quió'₅ dsi₂i₂gog'₂, ia₁jaun₂ ně₁jua'₂ chan₂ i₂tsá₃ 'én₂, lé₂ le₃join'₅₄
 ia₁jaun₂ le₃'éin₂ ján₃, on₃jua'₅₄ a₂'nió'₅ juig'₅₄ 'nia'₂ jág₁ 'lióng₂, tē₂le₃
 quian'₅₄ jui₅ 'a₂ lia'₂ lé₅ i₂nio'₄ bá₄ 'nia'₂,² ia₁ tē₃ ne₅₄ a₂ma₂lín'₂ 'nia'₂
 dsa₂ i₂le₁jé₃ dsí₅, i₂ŋi₅ 'a₂ lia'₂ jme₃go₃.³ Tsá₃ jui₁le₅₄ jua'₅₄ a₂ŋia'₅₄ tión'₂
 'nia'₂ jlá'₁ jmá'₃ lia'₂ le₃co'₅₄, quian'₅₄ jui₁lia'₂ a₂ŋí₄ jlá'₁ qui₂rē₂lag₄
 dsei'₂, o₃ a₂qui₂le₁lín'₄ 'nia'₂ jui₁lia'₂ quian'₅₄ mí₂ cu₄nióg₄, tsín'₂ jlá'₁
 ně₃.⁴ Qui₁jmo'₅₄ bá₄ 'nia'₂ jláng'₁ tē₂le₃ quian'₅₄ a₂rē₃'ma₄ tē₂'au'₂ 'nia'₂,
 a₂rē₂lag₄ quian'₅₄ caun₂ jme₂dsí₂ a₂jmo'₂ 'nia'₂ meg'₂. A₂rē₃lín₄ dsa₂
 le₂ně₅ bá₄ lé₅ caun₂ a₂jlá'₁ a₂tsá₃ líg'₂ jmíg₄ dsi₃'én₂, ton'₂ quen₅ 'ŋio₅ lín₃
 tē₂le₃ ja₁con₂ Diú₄.⁵ Ia₁ le₂ně₅ bá₄ jme₁qui₂le₁lín₄ dsa₂ mí₂ i₂jme₁lé₄ 'í₁
 quián₅ Diú₄ ma₂líg'₂: jme₁i₂nioi₅₄ caun₂ bá₄ jme₁le₁'ág₄ dsí₅ le₃quió'₅
 Diú₄, ton'₂ tioen'₅₄ 'éi'₃ quió'₅ dsi₂i₂gu₂.⁶ Ján₃ bá₄ le₂ně₅ jme₁lín₄ Sara,
 ca₂ŋág₂ gau₂ jág₁ quió'₅ Abraham, jaun₂ ca₂tē₃ "Gui'₅₄ quiáng₃". Le₂ně₅
 bá₄ dsi₁nó'₅ 'nia'₂ léng'₂ jui₁lia'₂ jme₁lín₄ 'éi₂, ně₂jag₄ bá₄ chi'₂ quián₅
 bá₄ ján₃, ně₁jua'₂ ca₂jmo'₅₄ con'₂ dsi₂ten₅₄, tsá₃ ma₃'e₂ gau₂ jiá₃ 'au'₂
 'nia'₂.

⁷ Le₂ně₅ bá₄ ján₃, 'nia'₂ dsa₂ ŋe'₂, jmo₄ 'nia'₂ 'en₅₄ 'au'₂ 'a₂ lia'₂ tiáng'₄
 quian'₅₄ dsa₂ mí₂ quiáng'₂, jui₁ŋei₂ bá₄ a₂ca₂tín₂ jme₁gain'₃ 'nia'₂, ia₁
 lín₅ i₂'uan₅₄ gué₄ lia'₂ con'₂ gué₄ guiong'₅₄, lín₅ co₂'nió'₄ caun₂ ni₁vaso
 a₂go'₂ gué₄; ia₁ co₂rē₂ bá₄ lín'₅ 'nia'₂ dsa₂ i₂rē₂gon'₅₄ i₂ca₂tín₂ le₃chan₂
 dse₃. Le₂ně₅ jmo₄ 'nia'₂ ia₁jaun₂ 'i₁caun₂ tsá₃ 'e₂ jnág₅ cha₂ jē₁ma₂tē₂
 rē₁chi₁len'₄ 'nia'₂ Diú₄.

ⁱ22 Isaías 53:9.

^j24,25 'Nio'₂ ja₁ton₅ Isaías 53:5,6.

^k25 griego: epískopos.

Dsa₂ i₂ηág₅ uig₅ ne₄ ia₁ a₂jmo₂₃ a₂dse₃

⁸ Jë₁ca₂tó₁'₂ rin₅₄' jniog₄, jui₁chan₂' bá₄ 'nia'₂ ca₂le₃jíng₃' 'ei₅ caun₂ jág₁, jeng₂' quian₅₄' ríng₂'; 'ua₁ 'au'₂ 'nia'₂ jmo₄; jme₁'nió₄ 'nia'₂ ríng₂'; jui₁chan₂' 'nia'₂ ηéi₂ 'au'₂; jmo₄ 'nia'₂ meg₂' né₃. ⁹ Tsá₃ lë₁jein₅₄' 'nia'₂ 'lig'₅₄ quian₅₄' a₂'lig'₅₄; tsá₃ tē₁'óng₁' dsa₂ i₂tē₂'o'₂. Tē₂le₃ jein₅₄' jág₁ dse₃ a₂jme₃gu₅₄' Diú₄ quió₅' dsa₂ le₂'éi₂. Ia₁ ta₁ nē₅ bá₄ a₂'nio₃ Diú₄ jmó₂' 'nia'₂ a₂ma₂ca₂tē₃, ia₁jaun₂ bá₄ tin₃' 'nia'₂ jme₃gu₅₄' Diú₄. ¹⁰ Ia₁:

Ca₂le₃jín₃ dsa₂ i₂'nio₃ le₃chan₂ dse₃

ca₂tíin₂ jmo₃ 'í₁ le₁tsi₂

jaun₂ tsá₃ 'ηiái₃ jág₁ 'lig'₅₄,

on₃ guē₂' 'nió₅' 'uē₃' jág₁ tē₂jág₁ mi₂'o₅₄.

¹¹ Co₂dsia₅' 'nió₅' quiá₂' dsa₂ cau₅

jui₁lia₂' jui₅' 'lig'₅₄, jmo₃ ca₂ne₅₄ a₂dse₃;

'nió₅' 'no₂' dsa₂ jui₅ ja₁'ei₅ tei₄,

jaun₂ jui₅ jaun₂ 'en₃.

¹² Ia₁ jme₁ne₁ Te₁gui₅₄' tsá₃ 'na₂ jíin₂ dsa₂ dsen₃,

ton₂' rē₂jáin₁ nag₂₃' e₂ chi₂léi₂' dsa₂ quiáin₅,

la₁ tē₂le₃ quió₅' i₂jmo₅ a₂'lig'₅₄,

le₂cau₅ bá₄ jéin₅ ne₅₄.¹

¹³ ¿I₂'ein₂ bá₄ lé₂ le₃jmóg₂' nē₁jua₂' dsen₅₄' 'au'₂ 'nia'₂ ca₂jmo₅₄' a₂dse₃?

¹⁴ La₁ jui₁'a₂ gué₃ la₂ ηag₅₄' 'nia'₂ uig₅ ne₄ ia₁ a₂jmo₂' 'nia'₂ a₂dse₃, la₁ia₁' e₂ gué₄ dsen₃' 'nia'₂ chang₂' jua₅₄' le₂jaun₂. Tsá₃ jmo₂' 'nia'₂ gang₃' 'e₂ a₂gó₅' dsa₂ 'éi₂ chain₂, on₃ guē₂' cán₁' 'nia'₂ jué₅.^m ¹⁵ Tē₂le₃ jmo₄ bá₄ 'nia'₂ 'au'₂ a₂lín₅ Cristo juig₂' 'nia'₂ i₂ηi₅, a₂lé₅ 'í₁ tē₂'au'₂ 'nia'₂. Chan₂' 'nia'₂ rē₂jáng₁, a₂jein₅₄' jág₁ quió₅' dsa₂ i₂'nio₃ le₃ηi₅' a₂lia₂' lé₅ a₂'ín₂ 'au'₂ 'nia'₂. Jñia₅₄' lia₂' jmo₄ a₂nē₅ jmá₃' lia₂' quian₅₄' a₂'ua₁ 'au'₂, a₂jme₁gan₃' 'nia'₂ dsa₂ né₃, a₂qui₂le₁jé₃ a₂qui₂dsi₂ηi₅' 'au'₂, ¹⁶ ia₁jaun₂ le₃gui₅₄' dsa₂ i₂chi₂'ag₅ 'lig'₅₄ o₄quió₄' jui₅ dse₃ a₂i₂'nio₄' 'nia'₂ le₃quió₅ Cristo. ¹⁷ Nē₁jua₂' le₂jaun₂' 'nio₃ Diú₄, ja₂lín₃ gué₄ dse₃ a₂ηág₅ dsa₂ uig₅ ne₄ ia₁ a₂jmo₂₃ a₂dse₃, lia₂' con₂' gué₄ ne₄ a₂jmo₂₃ a₂'lig'₅₄.

¹⁸ Ia₁ le₂nē₅ bá₄ ján₃, co₂ráun₂ bá₄ ca₂jon₃ Cristoⁿ jme₁ca₂join₃ ne₄ 'uig₅₄ dsáu₁ jniog₄. I₂jme₁lín₄ jan₂ dsa₂ dsen₃ co₂ηí₂ bá₄ 'éi₂, ca₂join₃ o₄quió₄' dsa₂ cha₂ dsáu₁, ia₁jaun₂ tē₂ ja₁con₂ Diú₄. Ca₂join₃ jui₅ ni₁ηi₁₂, ton₂' ca₂jein₅₄' bá₄ táng₃ tē₂le₃ quian₅₄' Jme₂dsí₂. ¹⁹ Jaun₂ le₂nē₅, ca₂ηei₅₄ ca₂i₁'é₄ jág₁ ja₁con₂ jme₂dsí₂ i₂jme₁tion₅₄' le₁jní₅ ²⁰ i₂tsá₃ ca₂nág₂ gau₂ jmig₄ ma₂líg₂' jaun₂ lia₂' con₂' jme₁chan₂ Noé. Ué₂ bá₄ ca₂jmo₃ Diú₄ juin₂' dsí₅ ca₂ηia₃ tē₁lia₂' lé₂ ni₁barco.^o Jñia₃ tan₅₄ dsa₂ bá₄ lé₂ i₂ca₂lón₂ quian₅₄ a₂jaun₂ jme₁ca₂'a₃ jmig₂ mi₂güí₃. ²¹ A₂jaun₂ jáng₅' caun₂ léi₄

¹10-12 Salmo 34:12-16.

^m14 Isaías 8:12.

ⁿ18 A₂lín₅₄ chog₅₄ si₂: "ca₂ηág₃ Cristo uig₅."

^o20 Noé: 'Í₂ Génesis 6-9.

jme₁chó₅ jniog₄ jmi₂g₄ jmi₂g₄ rē₂nē₃, a₂ma₂ca₂lag₃ jniog₄ dsa₂
i₂ma₂ca₂lón₂; on₃jua'₅₄ a₂jnia'₃ a₂'lian₅₄ dsa₂, tē₂le₃ a₂jang'₂ jniog₄ caun₂
léi₄ a₂quián₁ jniog₄ caun₂ jui₅ a₂le₁jé₃ jme₂dsí₂ quián₂ tē₂le₃ ne₄ Diú₄ bá₄,
ton'₂ ca₂ló₂ jniog₄ tē₂le₃ quian'₅₄ jui₅bí₂ a₂ca₂jen'₅₄ Jesucristo. ²² Ca₂uí₂g₂
táng₃ ηái'₃ guel'₅₄ i₂jui₃g₃; ja₁jaun₂ guá₅ tē₂le₃ gu₂ ne₁ Diú₄; 'éi'₃ quió'₅
'éi₂ bá₄ tion'₅₄ ca₂le₃jín₃ ángeles quian'₅₄ ca₂le₃jín₃ i₂lín₅ ta₁, ca₂le₃jín₃
gué₄ i₂'io₅ jui₅bí₂ né₃.

A₂jme₂ti₃ dsa₂ lia'₂ con'₂ lé₅ jui₅bí₂ a₂ma₂cuē₃ Diú₄

4 ¹ Jaun₂ lē₃, ia₁ ca₂ηág₃ Cristo uig₅ jui₅ ni₁ηi₁₂, le₂nē₅ bá₄ 'nia'₂ ján₃
chan'₂ 'nia'₂ rē₂ling'₅₄ caun₂ 'éi₂ 'nia'₂ 'au'₂ a₂cán'₁ jmi₁uig₅. Ia₁
jui₁lia'₂ dsa₂ i₂ma₂ca₂ηág₃ uig₅ jui₅ ni₁ηi₁₂, co₂dsia₅ ma₂tí₂ bá₄ jui₅
jē₁jme₁'no₂₃ dso₄. ² A₂le₃chain₂ táng₃ tē₂le₃ ne₄ jui₅ ja₁ηó₄, a₂jme₃ti₃
a₂'nio₃ Diú₄ bá₄, tsá₃ ma₃le₃chain₂ jua'₅₄ a₂cué'₃ gué₄ o₂'ηi₃o₂ηia₃ dsi₅
con'₂ niog₅ mi₅ ni₁ηi₁₂. ³ Tió'₅, a₂ma₂ca₂ηí₂ juin₅₄ qui₂ma₂jmo'₅₄ 'nia'₂
ja₁ma₂ja₂nóg₅, lia'₂ con'₂ lé₅ jmo₅-dsáu₅ ca₂le₃jín₃ dsa₂ i₂tsá₃ cuin₅ Diú₄.
Ia₁ jme₁chan'₂ 'nia'₂ tsá₃ caun₂ a₂jme₁'ín₅ 'au'₂; tsá₃ caun₂ a₂'lig'₅₄
a₂jme₁qui₂lé₂ 'au'₂ 'nia'₂ né₃; jme₁qui₂i₂niog'₅₄ qui₂le₁'eng'₅;
jme₁qui₂qué₂ 'nia'₂ tóng'₂ chí₅ co₂mi₅ niog₅ jmi₂g₄. Jme₁'ág'₂ 'nia'₂
ca₂lia'₂ tsá₃ cuente niog₅; jme₁jme₂juín'₂ 'nia'₂ diú₄ lag₄, caun₂ a₂'io'₅₄
Diú₄. ⁴ Dsi₂gó'₃ dsi₅ dsa₂ 'éi₂ a₂tsá₃ jme₂quiain'₅₄ 'nia'₂ jē₄ ca₂le₃jé₃
a₂i₂juin₅₄ a₂'lig'₅₄ a₂jmo₅-dsáu₅, jaun₂ 'lig'₅₄ bá₄ 'ag₂₃. ⁵ La₁ já₅ bá₄ jmi₂g₄
ja₁jáng'₃ cuenta quió'₅ ne₄ i₂ma₂lé₅ co₂ηia₅₄ con₂ 'í₁ lia'₂ quió'₅ i₂chan₂
lia'₂ quió'₅ i₂ma₂dsan₃ né₃. ⁶ 'Uig₅₄ nē₅, ca₂rē₃'é₂ jág₁ dse₃ ca₂lia'₂ ja₁con₂
dsa₂ i₂ma₂dsan₃; ia₁jaun₂ tē₃dsi₅₄ 'éi'₃ le₃quió'₅ ni₁ηi₁₂, lia'₂ con'₂ lé₅
dsi₂jio₅ dsi₅ dsa₂ mi₂güí₃, ia₁jaun₂ gué₄ le₃chain₂ jui₅ jme₂dsí₂ né₃, lia'₂
con'₂ lé₅ dsi₂jio₅ dsi₅ Diú₄.

⁷ La₁ ja₂quián₃ bá₄ jmi₂g₄ jē₁dsian₅ ca₂le₃jé₃. Jaun₂ né₃ len'₅₄ 'nia'₂
chang'₂, 'en₅₄ 'au'₂, ia₁jaun₂ lé₂ chi₁leng'₄ Diú₄. ⁸ La₁ a₂dsen₅₄ gué₄ 'ηio₅
lín₃, 'nió'₅ a₂jme₁'nió'₄ 'nia'₂ ríng'₂ 'ηio₅ lín₃ le₂jang'₂ le₂jang'₂. Ia₁
ja₁'nio₃ dsa₂ riin'₅₄, 'lióng₂ o₂'én₂ dso₄ cha₂ ja₁con₂ rin'₅₄ dsa₂. ⁹ Guen₅₄
'nia'₂ ríng'₂ i₂qui₂dsi₂jag₅₄ dsi₂néi₂ quiáng'₂, on₃jua'₅₄ a₂qui₂dsi₂mé'₂
'au'₂ quiain'₅₄. ¹⁰ Le₂jan'₂ le₂jan'₂ 'nia'₂ ca₂tíng'₂ jme₁'ong'₁ ríng'₂ lia'₂
con'₂ lé₅ ma₂ca₂rē₃tíng'₃ a₂'lióng₂ ne₅₄ a₂ma₂ca₂jme₃gu'₅₄ Diú₄, a₂niog₅
gog'₂ 'nia'₂ jmó'₂. ¹¹ Nē₁jua'₂ 'ein₂ 'nio₃ te₂néi'₂ jág₁, jui₁te₂néi'₂ bá₄
quian'₅₄ jág₁ quió'₅ Diú₄. Nē₁jua'₂ chan₂ gué'₂ 'ein₂ 'nio₃ jme₃'o₅₄
jui₁jme₂'o₅₄ bá₄ lia'₂ con'₂ lé₅ jui₅bí₂ a₂ma₂cuē₅ Diú₄, ia₁jaun₂ le₂nē₅ bá₄
le₃juin'₂ Diú₄ ne₄ ca₂le₃jé₃ tē₂le₃ quian'₅₄ Jesucristo. 'Éi₂ bá₄ ca₂tín₂ ηe₂
ca₂le₃jé₃ ti₁'mag'₄, ca₂le₃jé₃ jui₅bí₂, ca₂le₃jé₃ jmi₂g₄ co₂tan₅₄. iA₂méi₃!

^{P8} 'Nio'₂ ja₁ton₅ Proverbios 10:12.

A₂ŋág₅ dsa₂ uig₅ ne₄ 'uig₅₄ ia₁ a₂'éin₂

¹² 'Nia'₂ rin'₅₄ jniog₄ i₂'nióg₃, tsá₃ lë₁jmo₂ 'nia'₂ go₂i₃ jme₁dsi₂ŋíg'₂ táu₂ a₂lë₅ lia'₂ lë₅ si₂ dséi₂ ja₁con'₂ 'nia'₂, jua'₅₄ a₂le₃jmó'₂ 'nia'₂ 'au'₂ jua'₅₄ a₂tsá₃ ma₂cuin'₂ 'nia'₂, 'a₂ lia'₂ lë₅ dsi₂ŋíg'₂. ¹³ Të₂le₃ jmo₄ 'nia'₂ 'io'₂, ia₁ le₂në₅ bá₄ can'₂ 'nia'₂ ján₃ jmi₁uig₅ jui₁lia'₂ a₂ca₂i₃ŋí₂ Cristo, ia₁jaun₂ bá₄ cán'₁ 'nia'₂ ján₃ o₂'ŋiós₃ 'au'₂ 'ŋio₅ lín₃ jë₁ma₂të₂ rë₁jme₃jniai₂₃ 'a₂ lia'₂ jláin'₁. ¹⁴ 'E₂ gué₄ dsen'₃ 'nia'₂ jme₁të₂'o'₂ 'ein₂ të₂'o'₂ o₄quió'₄ Cristo, ia₁ le₂në₅ bá₄ të₂'ŋiá₄ Jme₂dsí₂ quián₅ Diú₄ i₂tág₅ co₂'né₅ ne₄ quián'₂ 'nia'₂. ¹⁵ Chi₂jua'₂ 'ein₂ 'nia'₂ dsi₂ŋí₂ uig₅, la₁ lag₃ në₁jua'₂ tsá₃ lë₅ dso₄ 'ang₂, o₃ a₂ca₂jñi'₃ dsa₂, o₃ chan₂ i₂ca₂cué'₃ dsa₂ mi₂güí₃ riin'₅₄, o₃ a₂qui₂tiáin₂ caun₂ ja₁tsá₃ ca₂tín₂. ¹⁶ La₁ në₁jua'₂ ŋag'₅₄ 'nia'₂ uig₅ ca₂ne₅₄ ia₁ a₂lín₅ dsa₂ “cristianos”, tsá₃ 'nió'₅ jmó'₂ 'nia'₂ gueng'₅₄. Diú₄ bá₄ 'nió'₅ jme₁juin'₂ 'nia'₂ ia₁ a₂quiong₅ dsa₂ le₂jaun₂.

¹⁷ Ia₁ ma₂të₂ jmi₄ a₂të₂dsi₅₄ 'éi'₃ le₂'uig₅₄ de'₂ ja₁con₂ dsa₂ dsi₂néi₂ quió'₅ Diú₄. Chi₂jua'₂ le₂'uig₅₄ jme₂lióg₃ quian'₅₄ jniog₄, 'a₂ bá₄ lia'₂ dsióg₄ dsi₁ŋí₂ ca₂le₃jín₃ i₂tsá₃ jme₂ti₃ jág₁ dse₃ quió'₅ Diú₄? ¹⁸ Chi₂jua'₂ quian₅ ta₁ lín₃ a₂tín₅ dsa₂ dsen₃, “'ë₂ gué₄ bá₄ dsióg₄ dsi₁ŋí₂ dsa₂ i₂tsá₃ Diú₄ cuin₅, i₂le₁cán'₄ dso₄?”^q ¹⁹ Jaun₂ në₃, i₂ŋág₅ uig₅ lia'₂ con'₂ lë₅ 'ŋio₂ dsí₅ Diú₄, ca₂tín₂ caun₂ jmo₃ a₂dse₃ bá₄, dsia₃ o₄gú₃ Diú₄ jme₂dsí₂ quió'₅, ia₁ Diú₄ bá₄ i₂ca₂jmó'₂ 'éi₂, i₂rë₂ti'₅₄ në₃.

Toin'₂ jág₁ dse₃ dsa₂ 'én₂

5 ¹ Jaun₂ në₃, jág₁ la₂ cué₅ jniá₂ ca₂le₃jín₃ dsa₂ can'₅₄ i₂quian₅ ne₄ jui₅^r quián'₂ 'nia'₂, ia₁ le₂në₅ bá₄ jniá₂ 'ŋiós₃ ján₃ lín₅ jan₂ dsa₂ juin'₂ i₂niog₅ ne₄ guá'₅, ton'₂ lín₅ jan₂ i₂ca₂të₂ ne₄ 'a₂ lia'₂ lë₅ jmi₁uig₅ a₂ca₂i₃ŋí₂ Cristo. Jaun₂ le₂në₅ bá₄ ján₃, lín₅ jan₂ i₂jme₃quian'₅₄ jë₁ma₂të₂ rë₁jme₃jniai₂₃ a₂jláin'₁. Jág₁ la₂ juí₂ jniá₂ 'nia'₂: ² Dse₃ jmo₄ 'nia'₂ 'í₁ guá'₅ quián₅ Diú₄ i₂lín₅ co₂nió'₃ já'₂ cha'₂ i₂niog₅ gog'₂. Jmo₄ 'nia'₂ ta₁ në₅ a₂'ŋio₂ 'au'₂, lia'₂ con'₂ lë₅ 'nio₃ Diú₄. Tsá₃ jmo₂ 'nia'₂ 'au'₂ jua'₅₄ a₂chan₂ i₂chi₂quióng₂ jmi₄, on₃ guë'₂ jmo₂ 'nia'₂ 'au'₂ jua'₅₄ a₂ŋí₄ 'ín₅ 'au'₂ cu₄ në₃. Jmo₄ 'nia'₂ ta₁ quió'₅ Diú₄ a₂dsen₅₄ 'au'₂. ³ Tsá₃ jmo₂ 'nia'₂ jua'₅₄ guion'₅₄ 'nia'₂ ca₂tín₂ jmó'₂ gong'₂ ne₄ quió'₅ guá'₅ i₂niog₅ gog'₂, të₂le₃ ca₂tín'₂ bá₄ 'nia'₂ cuë'₅₄ caun₂ jui₅ dse₃ já'₂ cha'₂ quián₅ Diú₄. ⁴ Jaun₂ bá₄ jë₁ma₂të₂ jmi₄ i₁jme₃jnia₅ i₂lín₅ juig₅₄ dsen₅₄ i₂quián₅ juig₅₄ já'₂ cha'₂, ŋe'₂ 'nia'₂ jma₃caun₃ corona a₂tsá₃ líg'₂ jmi₄ le₃juing₅. ⁵ Le₂në₅ bá₄ 'nia'₂ dsa₂ chi'₂ ján₃, tión'₂ 'nia'₂ 'éi'₃ quió'₅ dsa₂ can'₅₄ quián'₂ 'nia'₂. Ton'₂ jui₁qui₂rë₂lín₅₄ quian'₅₄ a₂meg'₂ ja₁con₂ ríng'₂ le₂jang'₂ le₂jang'₂, ia₁:

^q18 Proverbios 11:31.

^r1 griego: presbíteros.

Tsá₃ jen₅₄ Diú₄ jui₁lia'₂ dsa₂ i₂jmo₅ rón₂,
 la₁ jme₂'oin₅₄ a₂'ua₁ dsí₅ dsa₂ i₂jmo₅ me'₂.^s
⁶ Jaun₂ ně₃, le₂ně₅ jmo₄ 'nia'₂ meg'₂ o₄gú₃ bēn₂ quió'₅ Diú₄ ia₁jaun₂ bá₄
 chó'₂ 'éi₂ jmig₄ jaun₂ quió'₅. ⁷ O₄gú₃ 'éi₂ dsia₄ 'nia'₂ ca₂le₃jě₃ 'e₂ o₂i₁ dsi₅
 a₂chan'₂ 'nia'₂, ia₁ dsan₂ bá₄ dsí₅ 'éi₂ 'nia'₂ ján₃.
⁸ 'En₅₄ 'au'₂ 'nia'₂ jmo₄, chang'₂ rē₂jáng'₁, ia₁ i₂sē₃dsen₃ i₂'nia₅₄ 'nia'₂
 ŋi₂₃ lín₅ lia'₂ lín₅ 'ia'₂ i₂ŋi₅ i₂jme₂'ne₅₄ 'ŋiog₂ a₂'nai'₂ 'ein₂ i₂'nio₃ quiin'₂.
⁹ Quian'₅₄ a₂'én'₂ 'nia'₂, nau₂ tiá₂ queng'₂ ne₅₄, ia₁ ŋi'₅₄ bá₄ 'nia'₂ ta₁caun₂
 mi₂güig₃ bá₄ qui₂dsi₂ŋi₂ ríng'₂ jmi₁uig₅ le₂ně₅ ján₃. ¹⁰ Ia₁ jē₁ma₂ca₂ŋi'₂
 'nia'₂ co₂'na₂ uig₅ le₂ně₅, 'ŋiog₅ bá₄ Diú₄ i₂'ua₁ dsí₅ lín₃ chei'₃ táng₃ rē₂
 a₂jme₃'ŋiai₂₃ a₂'nió'₅ gué₄ quián'₂ 'nia'₂, cuē₃ bí₂ náu'₁ 'nia'₂ tiá₂.
 Jme₃gu'₅₄ bá₄ 'éi₂ jniog₄ ne₄ ca₂le₃jě₃ ne₅₄ a₂dse₃. Ia₁ ma₂ca₂tē₃ jniog₄
 le₃quió'₅ Cristo Jesús, a₂jme₁quiain'₄ jniog₄ co₂tan₅₄ ja₁co₂tág₅ co₂'né'₅
 quió'₅. ¹¹ 'Éi₂ bá₄ ca₂tín₂ jui₅bí₂ ca₂le₃jě₃ jmig₄ co₂tan₅₄. A₂méi₃.

Cuag₂₃ Diú₄ jē₁ca₂tó'₂ jē₁'ág'₅ jág₁

¹² Tē₂le₃ quian'₅₄ Silvano^t i₂jing₅₄ lia'₂ ja₁jing₁₂ jan₂ ríng'₃ i₂rē₂ti'₅₄,
 ma₂jmo₃ si₂ la₂ ja₁juá'₅ tin₃-ni₅ jon₂ jág₁ a₂cué₃ bí₂ 'nia'₂. Jág₁
 a₂ma₂nē₂juá'₃ jniá₂ ně₅, jáng'₅ léi₄ 'a₂ lia'₂ dsón'₂ 'ua₁ dsí₅ Diú₄. Jaun₂
 nau₂ 'nia'₂ tiá₂ jui₅ ně₅. ¹³ Guá'₅ i₂chan₂ ja₁tē'₂ dsa₂ juig₂ “Babilonia” la₂,
 dsa₂ i₂ma₂ca₂quióin'₂ Diú₄ jui₁lia'₂ ma₂ca₂quióin'₂ 'nia'₂, dsiáin'₂ jág₁
 a₂cuin₂₃ Diú₄ 'nia'₂, le₂jaun₂ bá₄ Marcos jón₃ quiáng₃ ně₃. ¹⁴ Cuin₅₄ 'nia'₂
 Diú₄ ríng'₂ le₂jang'₂ le₂jang'₂, chen'₅₄^u 'nia'₂ jú'₅ ríng'₂ ia₁ a₂'nióg'₃ ríng'₂.
 Tián'₂ bá₄ 'nia'₂ 'ei₅ tei₄ ca₂le₃jín'₃ 'nia'₂ i₂tén₅ le₃quió'₅ Cristo.
 Co₂ně₅.

^s5 Proverbios 3:34.

^t12 Co₂'nió'₄ lia'₂ chen₂ Silas.

^u14 Caun₂ tag₄ a₂jme₁chí'₄ lia'₂ con₂ ca₂jmo₃ Pe₄ si₂ la₂.